

ԳԻՏԱԿԱՆ ԼՐԱՑՈՒ

ՀԱՅԿԱԿԱՆ ՍՍՌԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՆՈՐ ԱԿԱԴԵՄԻԿՈՍՆԵՐ
ԵՎ ԹՂԹԱԿԻՑ-ԱՆԴԱՄՆԵՐ ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐԻ ԳԵՈՎ

Ա Ա Կ Ա Դ Ե Մ Ի Կ Ո Ս Ն Ե Ր

Մարտիրոս Սերգեյի Սարյանը ծնվել է Նոր-Նախիջևանում (այժմյան Ռուստով Դոնի Պրոկտորական ուսյոն), 1880 թ. փետրվարի 28-ին, հողագործի ընտանիքում:

1888—1895 թթ. Մ. Ս. Սարյանը միջնակարգ կրթություն է ստանում Նոր-Նախիջևանի քաղաքային հայկական դպրոցում:

1897—1904 թթ. Սարյանը սովորում է Մոսկվայի գեղանկարչության, քանդակագործության և ճարտարապետության ուսումնարանում, անվանի նկարիչներ Ա. Արխիպովի, Վ. Սերովի և Հ. Կորովինի դասարաններում:

Նկարչական ցուցահանդեսներում սկսում է մասնակցել 1900 թ. 1910 թ. Տրետյակովյան պատկերասրահում պահպանվում է Մ. Ս. Սարյանի 2 նկարը («Դլիցիխներ», «Մրգավաճառանոց» և «Կեսօր փողոց Պոլիս»):

1910—1913 թթ. Մ. Ս. Սարյանը ճանապարհորդություն է կատարում դեպի Տաճկաստան, Եգիպտոս և Պարսկաստան: 1916 թ. Մ. Ս. Սարյանը հայ անվանի նկարիչներ Փ. Թերլեմեզյանի, Վ. Սուրենյանի, Ե. Թադևոսյանի հետ մասնակցում է հայ արվեստագետների ընկերության կազմակերպմանը:

Հայաստանում սովետական կարգեր հաստատվելուց մի տարի հետո, 1921 թ. Մ. Ս. Սարյանը ընտանիքով տեղափոխվում է Երևան: ՀՍՍՌ ժողովուրդի հանձնարարությամբ նա ակտիվորեն մասնակցում է Երևանի կերպարվեստի ուսումնարանի, նկարիչների ընկերության, Պետական թանգարանի կազմակերպմանը և հիմնադրմանը:

1924 թ. Մ. Ս. Սարյանը մի խումբ ողջ նկարիչների հետ մեկնում է Իտալիա, մասնակցելու Վենետիկում բացվող կերպարվեստի համաշխարհային ցուցահանդեսին:

Նկատի ունենալով Մ. Ս. Սարյանի հաջողությունը այդ ցուցահանդեսում, Հայաստանի կառավարությունը 1926 թ. նրան շնորհում է ՀՍՍՌ ժողովրդական նկարչի կոչում:

1926 թ. Մ. Ս. Սարյանը մեկ և կես տարով ստեղծագործական գործունեության է ուղարկվում Փարիզ, որտեղ և կազմակերպում է իր անհատական ցուցահանդեսը:

1939 թ. մինչ 1951 թ. Մ. Ս. Սարյանը եղել է Հայաստանի սովետական նկարիչների միության նախագահ: 1936 թ. նա պարգևատրվել է «Աշխատանքային Կարմիր Դրոշի», 1939 թ. Պատվո նշան, 1945 և 1950 թթ. Լենինի երկու շքանշաններով, ինչպես և «Կովկասի պաշտպանության» և «Աշխատանքային արիություն» մեդալներով:

Մ. Ս. Սարյանը ընտրվում է ՍՍՌԽ Գերագույն Սովետի 2-րդ, 3-րդ և 4-րդ գումարումների դեպուտատ:

1949—1951 թթ. Մ. Ս. Սարյանը գլխավորել է ՀՍՍՌ ԳԱ Արվեստի

պատմութեան և տեսութեան սեկտորը: Մասնակցել է կերպարվեստի հան-
րապետական և միութենական բոլոր ցուցահանդեսներին, ինչպես և այն
համաշխարհային ցուցահանդեսներին, որոնց մասնակցել է Սովետական
Միութեանը: Մ. Ս. Սարյանը հանդիսանում է ՍՍՌՄ նկարիչների միու-
թեան կազմկոմիտեի անդամ:

1936 թ. կազմակերպւում է Մ. Ս. Սարյանի անհատական ցուցահան-
դեսները Մոսկվայում և Լենինգրադում, իսկ 1955—56 թթ.՝ Երևանում, Թբի-
լիսիում, Մոսկվայում և Լենինգրադում:

1947 թ. Մ. Ս. Սարյանը հանդիսանում է ՍՍՌՄ Գեղարվեստների
ակադեմիայի իսկական անդամ:

Արտաշես Բալասանի Կարինյանը ծնվել է 1886 թ. նոյեմբերի 11-ին,
Բաքվում՝ Բալասանում: Միջնակարգ կրթութեանը ստանում է Բաքվի
առաջին գիմնազիայում: Դեռևս այդ տարիներից նա մասնակցում է աշա-
կերտական շարժումներին և դաստիարակւում է ուսուցիչի գաղափար-
ներով համակրած միջավայրում:

1906 թ. ընդունւում է Պետերբուրգի համալսարանը: Համալսարա-
նում նա մեծ հետաքրքրութեամբ է ցուցաբերում ուսուցիչի անցքերի
նկատմամբ և 1906 թ. սկսում է տպագրել բոլշևիկյան մամուլում: «Կայծ»
թերթում տպագրւում է նրա «Բաքվի անարխիստների դեմ» հոդւածը:

1907 թ. մի խումբ ուսանողների հետ մեկնում է Տերիոկի (Ֆինլան-
դիա), որտեղ Պետերբուրգի բոլշևիկ ուսանողների խմբախմբով կազմա-
կերպւում է Վ. Բ. Լենինի գեկուցումը: Վերադառնալով Ֆինլանդիայից,
Կարինյանը առավել մեծ լիցքով ու եռանդով է լծւում ուսուցիչի ան-
խատանքներին: Ավարտելով համալսարանը Ա. Բ. Կարինյանը վերադառնում
է Բաքու, ուսուցիչի պրոպագանդիստական աշխատանք տանում բանվորա-
կան խմբակներում: 1908 թ. «Բալինսկի բարոչիյ» թերթում տպագրւում է
«Սինդիկալիստները և քաղաքական պայքարը» հոդւածը: Այդ տարիներին
Շուր խոսք լեզալ ամսագրում տպագրւում է հրապարակասոսական մի
շարք հոդւածներ: Ռեուցիոն գործունեութեան համար նա 1913 թ. ձեր-
բակւում է, շուտով ազատւում բանտից, սակայն նրան հինգ տարի ար-
գելւում է ապրել Բաքվում: Ա. Բ. Կարինյանը մի շարք հոդւածներ է հրապա-
րակում «Պրավդա»-յում. 1914 թ.՝ «Պրավդայի ուղին», «Բանվոր», 1917 թ.՝
«Ռեուցիոն արդարադատութեան մասին» և այլն:

Շահումյանի և Ջափարիձեի առաջարկով 1917 թ. Ա. Բ. Կարինյանը գա-
լիս է Բաքու, ուր պարտիական աշխատանքների հետ միասին, զբաղւում է նաև
գրական-հրապարակասոսական գործունեութեամբ: 1917 թ. մինչև 1918 թ.
ապրիլ ամիսը աշխատում է, որպես բանվորների և զինվորների դեպուտատ-
ների Բաքվի Սովետի օրգան «Խզվեստիա...»-յի խմբագիր:

Բաքվի ժողովրդական Կոմիսարների Սովետի ստեղծումից հետո ըն-
տըրւում է Արդարադատութեան ժողովրդական Կոմիսար: Բաքվի կոմու-
նայի անկումից հետո աշխատում է Լենինգրադում և Մոսկվայում: Հան-
դիսանալով Ազգութեանների ժողովրդական Կոմիսարիատի գրական-հրա-
տարակչական բաժնի վարիչ, նա միաժամանակ վարում էր հայերեն լեզվով
հրատարակվող «Կոմունիստ» ամսագրի և «Կարմիր դրոշակ» թերթի խմբագրի
պարտականութեանը: Այդ ժամանակամիջոցում Ա. Բ. Կարինյանը հրա-

պարտավում է «Կովկասի պրոլետարիատի պատմությունից», «Օսկար Ուալդի հեքիաթների մասին», «Հին և նոր արվեստ» աշխատությունները:

1921 թ. վերջին Հայաստանի Կոմունիստական պարտիայի Կենտկոմի և Ժողովրդավետի որոշմամբ մեկնում է Թուրքիա և Ամերիկայի Միացյալ Նահանգներ, որտեղ հանդես է գալիս մի շարք զեկուցություններով և հոգովածներով:

Հայաստանում Սովետական իշխանության հաղթանակից հետո Ա. Բ. Կարինյանը նշանակվում է Արգարագատությունից Ժողովրդական Կոմիսար, հետագայում վարում է Հայաստանի Կենտգործկոմի նախագահի, Լուսավորությունից Ժողովրդական Կոմիսարի տեղակալի պաշտոնները և այլն: 1920—30-ական թթ. Ա. Բ. Կարինյանը աշխատում է որպես «Նոր ուղի» գրական դեղարվեստական ամսագրի խմբագիր:

Այնուհետև, 1930-ական թվականից սկսած մինչև այժմ Կարինյանը զբաղվում է գրական-հրապարակախոսական բեղուն աշխատանքով: Պարբերական մամուլում հրապարակվում են նրա մի շարք հոգովածները Պուշկինի, Չեքովի, Գոլովի, Չեխովի, Կարալենկոյի, Մայակովսկու և ուրիշների մասին: Վերջերս հրապարակվեց նրա «Ակնարկներ հայ պարբերական մամուլի պատմության» կապիտալ աշխատության առաջին հատորը: Այժմ նա շարունակում է աշխատել երկրորդ հատորի վրա:

ԹՂԹԱԿԻՑ-ԱՆԳԱՄՆԵՐ

Հայկ նահապետի Աղատյանը ծնվել է 1881 թ. սեպտեմբերի 25-ին, Կիրովականում: Կրթությունը ստանում է Թիֆլիսի ռեալական ուսումնարանում, որը ավարտելուց հետո՝ 1903 թ. մեկնում է Շվեյցարիա և ընդունվում Բեռնի համալսարանը: Նույն թվականին նա մասնակցում է Բեռնում հրավիրված Արևմտյան Եվրոպայի հայ ուսանողության համագումարին, որին մասնակցում է 13 հայ սոցիալ-դեմոկրատ: 1905 թ. ռուսացիայի օրերին նա թողնում է համալսարանը և ամբողջապես նվիրվում քաղաքական գործունեությանը: Ընդհանուր վերադառնում է Թիֆլիս և աշխատում մենշևիկյան պարտիայի շարքերում: 1918 թ. փետրվարին Թիֆլիսում ստեղծվում է ինտերնացիոնալիստ մենշևիկների մի խումբ, որը վճռականորեն քննադատում է Ռուսաստանից անջատվելու տեղական մենշևիկների քաղաքականությունը: Այդ խմբի մասնակիցների մենշևիկյան պարտիայում փնալու հանգամանքը ստանում է ֆորմալ բնույթ:

1919 թ. մինչև 1920 թ. վերջը Հ. Ն. Աղատյանը մեծ աշխատանք է ծավալում պրոֆմիութենական կազմակերպություններում: 1920 թ. վերջին նա դիմում է Վրաստանի Կոմունիստական պարտիայի Կենտկոմին՝ ընդունելու իրեն Կոմպարտիայի շարքերը: 1920 թ. դեկտեմբերի 13-ին «Կոմունիստ» թերթում Հ. Ն. Աղատյանը հանդես է գալիս հոգովածով՝ Կոմունիստական պարտիայի շարքերը անցնելու մասին: Մենշևիկյան կառավարությունը առաջարկում է նրան անմիջապես հեռանալ Վրաստանի սահմաններից, և Վրաստանի Կոմունիստական պարտիայի Կենտկոմը նրան աշխատանքի է ուղարկում Հայաստան: 1920 թ. դեկտեմբերին նա Թիֆլիսից փոխադրվում է Երևան: Հայաստանի Կ(Բ)Կ նշանակում է նրան պրոֆմիութենական նախագահ: Սովետական Հայաստանում աշխատում է մինչև 1939 թ.: Այդ տարիներին նշանակվում է Կենտգործկոմի նախագահի տեղակալ, Կենտկոմի երկրորդ քարտուղար և այլն:

1920—1930 թթ. Հ. Ն. Ազատյանը հրապարակում է մի շարք լուրջ աշխատություններ, որոնց թվին կարելի է դասել «Գյուղատնտեսական պրոլետարիատը և միջազգային կոմունիստական շարժումը», «ՍՍՖՄ-ի տնտեսական զարգացումը և գյուղատնտեսական կոոպերացիան», «Հայաստանում սովետական կարգերի հաստատման 6-ամյակը», «Աշխատավարձի հարցեր», «Նոր տնտեսական քաղաքականություն», «Հողի ազգայնացման և սոցիալիզացիայի մասին», «Դաշնակցություն պարտիայի էությունը» և այլն:

1930-ական թվականներից մինչև այսօր Հ. Ն. Ազատյանը Թիֆլիսում զբաղվում է դասախոսական աշխատանքով:

Վահան Հաղուքյունի Ռշտունին ծնվել է 1894 թ. փետրվարի 9-ին, Էջմիածնում, արհեստավորի ընտանիքում: Սովորում է Գեորգյան ճեմարանում, որը ավարտում է 1915 թ.:

1924 թ. ավարտում է Թիֆլիսի Լենինի անվան Պոլիտեխնիկական ինստիտուտի տնտեսագիտական ֆակուլտետը և փոխադրվում Երևան: 1924—1925 թթ. Երևանի համալսարանում ավանդում է սոցիալիզմի պատմությունը: 1930 թ. առ այսօր համալսարանում ղեկավարում է ՍՍՖՄ ժողովուրդների պատմություն ամբիոնը: Տարիներ շարունակ աշխատակցել է Հայկական ՍՍՖ Գիտությունների ակադեմիայի Պատմության ինստիտուտում: 1941 թ. ՍՍՖՄ Գիտությունների ակադեմիայի Պատմության ինստիտուտում պաշտպանում է դոկտորական դիսերտացիա: 1944 թ. նրան շնորհվում է պրոֆեսորի կոչում, նույն թվականին՝ Հայկական ՍՍՖ Գիտություն փաստակալոր դործիչի կոչում: Ռշտունին մեծ վաստակ ունի երիտասարդ գիտական կադրերի պատրաստման գործում:

Իր գիտական դասախոսական գործունեության ընթացքում Վ. Հ. Ռշտունին հրապարակում է մի շարք հոդվածներ հայ հասարակական հոսանքների, գյուղացիական շարժումների վերաբերյալ, «Հայ լիբերալիզմի պատմությունից», «19-րդ դ. վերջի հայկական մամուլը», «Գյուղացիական շարժումը Հայաստանում», «Գյուղացիական ռեֆորմը Հայաստանում» և այլն: Վ. Հ. Ռշտունու մեծածավալ աշխատությունները «Ցարիզմի ագրարային քաղաքականությունը և գյուղացիական շարժումը Հայաստանում 20-րդ դ. սկզբում», «19-րդ դ. հայ հասարակական հոսանքների պատմությունից» ուշադրություն են քննում: Վ. Հ. Ռշտունին հասարակությունը կողմից:

Վ. Հ. Ռշտունին եռանդով շարունակում է գիտական-մանկավարժական գործունեությունը:

Մկրտիչ Մամրեի Մկրյանը ծնվել է 1907 թ. Վան քաղաքում, ուսուցչի ընտանիքում: 1915 թ. ընտանիքով գաղթում է Անգրիովկա և 1919 թ. վերջնականապես հաստատվում Երևանում:

Բարձրագույն կրթությունը ստանում է Երևանի Մոլոտովի անվան պետական համալսարանում: 1930 թ. ավարտելով համալսարանի պատմագրական ֆակուլտետը, քննությունում է ասպիրանտուրա:

1933 թ. սկսած՝ անընդհատ դասախոսում է համալսարանի ֆիլոսոֆիական ֆակուլտետում հայ գրականության պատմության առարկան: 1941 թ. մինչև 1948 թ. վարում է նաև այդ ֆակուլտետի գեկանի պաշտոնը:

1945 թ. պաշտպանում է դոկտորական դիսերտացիա և ստանում ֆիլո-

լոգիական գիտությունների դոկտորի աստիճան, հետո նաև պրոֆեսորի կոչում:

1947 թ. մինչև 1953 թ. վարում է Հայկական ՍՍՌ Գիտությունների ակադեմիայի Մ. Արեգյանի անվան Գրականություն ինստիտուտի գիրեկտորի պաշտոն:

Մ. Մ. Մկրյանին են պատկանում մի շարք լուրջ հոգիածներ Խ. Արուստյանի, Նալբանդյանի, Բաֆֆու, Թումանյանի, Նար-Դոսի ստեղծագործությունների վերաբերյալ, նա է գրել «Հայ գրականության պատմության» ձեռնարկի առաջին հատորի հին և միջին դարերի մասը: Վերջերս Մ. Մ. Մկրյանը հրատարակեց «Գրիգոր Նարեկացի» մեծածավալ աշխատությունը:

1954 թ. ընտրվում է Պետական համալսարանի հայ գրականության պատմության ամբիոնի վարիչ:

Գուրգեն Գրիգորի Սևակը ծնվել է 1904 թ., Թբիլիսիում, բանվորի ընտանիքում. սկզբնական և միջնակարգ կրթությունը ստացել է նույն քաղաքում: Ավարտելով 16-րդ տեխնիկումը (նախկին Ներսիսյան դպրոցը), 1924 թ. տեղափոխվում է Երևան և ընդունվում Պետհամալսարանի պատմա-գրական բաժինը, որի լրիվ դասընթացն ավարտում է 1929 թ.: Հաջորդ թվականին ընդունվում է ասպիրանտուրա և ավարտում 1932 թ.:

Բանասիրական ~ մանկավարժական աշխատանքն սկսում է 1931 թ. Երևանի պետհամալսարանում իրրե դասախոս:

Գ. Գ. Սևակը տարիների ընթացքում տասնյակ զեկուցումներով հանդես է գալիս Պետհամալսարանի, Արմֆանի, Հայկական ՍՍՌ Գիտությունների ակադեմիայի հասարակական բաժանմունքի և Լեզվի ինստիտուտի գիտական սեսիաներին Երևանում, Թբիլիսիում և Բաքվում: Գ. Գ. Սևակը ակտիվորեն մասնակցում է գիտական-լեզվաբանական խնդիրների մըշակմանը, պարբերական մամուլից հայտնի են նրա հետաքրքրական հոգիածները: Նա մի շարք լուրջ աշխատությունների հեղինակ է, ինչպես, օրինակ՝ «Հայոց լեզվի շարահյուսությունը», «Ժամանակակից հայոց լեզվի տեսություն», «Ժամանակակից հայոց լեզվի դասընթաց» և այլն:

Այժմ Գ. Գ. Սևակը Երևանի Մոլոտովի անվան պետական համալսարանում ղեկավարում է հայոց լեզվի ամբիոնը: